

Edificio di Clinica Posada basha abou

Ayera mainta e trabou di desmantelacion di edificio cu a funciona recientemente como Clinica Posada a cuminsa. E edificio aki pa varios aña tabata e centro di atencion y tratamento di dialisis pa e pashentnan cu problema di sucu na Aruba. Pero e edificio aki pa su mes tin su propio historia...

E tabata un joya di edificio cu tabata resalta ariba Smith Boulevard pa su diseño di vanguardia y moderno na epoca di post-guera. E cas aki a ser construi casi na final di decada di aña 1950, caminda mayoria di casnan tabatin un arkitektura colonial. E edificio aki tabata uno residencial; pero despues el a ser uza cu un fin comercial. Tambe den e cas aki a biba e ehecutivonan di e compania di fertilisante ACI. No ta conoci si e edificio aki pa su balor arkitectonico tabata uno protegido di Monumenten Bureau.

